



**Broj: 13-11-4-5089/23**  
**Sarajevo, 14.06.2023. godine**

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka) i člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), a na prijedlog Komisije za javne nabavke roba, radova i usluga, Općinski načelnik donosi

## **ODLUKU** **o izboru najpovoljnijeg ponuđača**

### **I**

Za najpovoljnijeg ponuđača za javnu nabavku usluga „Izrada izvedbenog projekta za rekonstrukciju objekta školske radionice JU Srednja škola za okoliš i drveni dizajn“, po provedenom postupku javne nabavke putem otvorenog postupka izabran je slijedeći ponuđač:

**ARHLINE d.o.o. Kalesija**  
**sa ukupnom cijenom od 13.086,45 KM (slovima: trinaesthiljadaosamdesetšest i 45/100 konvertibilnih maraka) sa uračunatim PDV-om**

### **II**

Za izvršenje ove Odluke zadužuje se Služba za investicije i zaštitu okoliša.

### **III**

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

### **IV**

Odluka o izboru najpovoljnijeg ponuđača objavit će se na web stranici [www.novosarajevo.ba](http://www.novosarajevo.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

## **Obrazloženje**

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 13-11-4-5089/23 od 14.06.2023. godine.


Procijenjena vrijednost javne nabavke sa PDV-om je: 18.000,00 KM (slovima: osamnaesthiljada i 00/100 konvertibilnihmaraka).

Obavještenje o javnoj nabavci broj: 935-1-2-128-3-167/23 od 12.07.2023. godine u 14:49 sati poslano je na objavu na Portal javnih nabavki.

Komisija za javne nabavke roba, radova i usluga je imenovana Odlukom Općinskog načelnika o pokretanju postupka javne nabavke broj: 13-11-4-5089/23 od 14.06.2023. godine..

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 02.08.2023. godine, pristigle ponude slijedećih ponuđača:



Red. broj	Naziv i sjedište ponuđača	Ukupna ponuđena cijena sa PDV-om
1.	TRACEST d.o.o. Sarajevo	17.351,10 KM
2.	ARHLINE d.o.o. Kalesija	13.086,45 KM
3.	URBIS CENTAR d.o.o. Banja Luka	15.514,20 KM
4.	RMK ENGINEERING d.o.o. Vogošća	16.087,50 KM

Iz Zapisnika o pregledu i ocjeni ponuda Komisije za javne nabavke roba, radova i usluga je vidljivo da je Komisija za javne nabavke roba, radova i usluga izvršila evaluaciju izvršila evaluaciju pristiglih ponuda, te je konstatovala slijedeće:

Ponude ponuđača TRACEST d.o.o. Sarajevo, ARHLINE d.o.o. Kalesija, URBIS CENTAR d.o.o. Banja Lukaje su prihvatljive jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača RMK ENGINEERING d.o.o. Vogošća Komisija je ocijenila kao nepravilnu iz sljedećeg razloga:

U sklopu ponude ponuđača je dostavljena potvrda o uredno izvršenim uslugama se odnosi na izradu idejnog i izvedbenog projekta za 10 (deset) *stambenih objekata* neto površina cca 180m<sup>2</sup>, dok je tenderskom dokumentacijom u pogledu tehničke i profesionalne sposobnosti traženo uspješno iskustvo u realizaciji najmanje 1 (jednog) ugovora koji se odnosio na izradu izvedbenog ili glavnog projekta *javnog objekta*.

Iz naprijed navedenih razloga, ponuda ponuđača RMK ENGINEERING d.o.o. Vogošća se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. broj	Naziv i sjedište ponuđača	Ukupna ponuđena cijena sa PDV-om
1.	ARHLINE d.o.o. Kalesija	13.086,45 KM
2.	URBIS CENTAR d.o.o. Banja Luka	15.514,20 KM
3.	TRACEST d.o.o. Sarajevo	17.351,10 KM

Komisija za javne nabavke roba, radova i usluga je jednoglasno predložila Općinskom načelniku da donese Odluku o izboru najpovoljnijeg ponuđača ARHLINE d.o.o. Kalesija, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu od 13.086,45 KM (slovima: trinaesthiljadaosamdesetšest i 45/100 konvertibilnih maraka) sa uračunatim PDV-om, te da se ponuđaču ARHLINE d.o.o. Kalesija dodijeli ugovor.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: [zajednickiposlovi@novosarajevo.ba](mailto:zajednickiposlovi@novosarajevo.ba)  
Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisija za javne nabavke roba, radova i usluga. Naime, u postupku je ocijenjeno da je Komisija u svemu pravilno postupila, te da je Odluka donesena u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.


Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108.

Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

**OPĆINSKI NAČELNIK**

**Dr. Hasan Tanović**



**DOSTAVITI:**

1. TRACEST d.o.o. Sarajevo
2. ARHLINE d.o.o. Kalesija
3. URBIS CENTAR d.o.o. Banja Luka
4. RMK ENGINEERING d.o.o. Vogošća
5. a/a

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposl@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



